



Zajednička izjava Ambasade Sjedinjenih Američkih Država i OHR-a

VLASTI TUZLANSKOG KANTONA NE POKAZUJU POŠTOVANJE PREMA NEZAVISNOSTI POLICIJE, A GRAĐANI ĆE SNOSITI POSLJEDICE

U zajedničkom pismu upućenom u novembru vlastima Tuzlanskog kantona, američki ambasador Eric Nelson i visoki predstavnik Valentin Inzko upozorili su na poteze koji omogućavaju direktnu političku kontrolu nad policijom, jer su temeljna nezavisnost i objektivnost od suštinske važnosti za odgovarajuće funkcioniranje institucija javne sigurnosti.

Nažalost, današnja odluka Vlade Tuzlanskog kantona o smjeni komesara policije tog kantona pokazuje da vlasti nisu spremne da poštuju osnovne principe dobrog upravljanja, što je ključni element svake funkcionalne države.

Zvaničnici koji imaju utvrđene mandate u nepolitičkim institucijama kao što je policija ne bi trebali biti smjenjivani samo zato što je došlo do promjene u političkoj konstelaciji, nego bi se trebali vrednovati na temelju objektivnih i profesionalnih standarda.

Odgovornost i transparentnost su sastavni dijelovi dobre uprave i efikasnih institucija koje služe javnom interesu.

Kontinuirani napadi političkih organa u Tuzlanskom kantonu na nezavisnost policije pokazuju da nema dovoljne opredijeljenosti za profesionalizam.

Ne može se reći da je današnja odluka Vlade Tuzlanskog kantona donesena u interesu javnosti. Ispoštovati procedure samo po sebi ne znači i dobro upravljanje, a javna sigurnost i sigurnost građana treba da budu važnije od političkih interesa.